



<http://srigading.kktm.edu.my/>

Bil. 4/2023

JULAI | OGOS



TAHNIAH!
KKTMSG SRI GADING TELAH
DINOBATKAN SEBAGAI IPMA
TERBAIK 2023

BULETIN IVORY



TAHNIAH!
ALUMNI KKTMSG YANG TELAH
BERGRADUASI DI UNSW SYDNEY
AUSTRALIA

>>> 2 JULAI 2023

MAJLIS KORBAN 1444H PERINGKAT KKTM SRI GADING

Pada tahun ini, Sekretariat Kerohanian dengan Kerjasama Unit HELWA telah berjaya melaksanakan ibadah korban dan akikah di Surau An-Nur. Semua korban dan akikah telah dilaksanakan pada 2 Julai 2023 bersamaan 13 Zulhijjah 1444H.



MAJLIS KORBAN
KKTM SRI GADING
1444H | 2023M
TARIKH: 2 JULAI 2023 (AHAD)
TEMPAT: SURAU AN-NUR

Aturcara Majlis:

- 07.00 pg : Penyembelihan lembu di pusat sembelihan
- 08.00 pg : Sarapan pagi di Surau Annur
- 08.30 pg : Penyembelihan kambing di Surau Annur
- 09.00 pg : Daging sembelihan bertolak dari pusat sembelihan
- 10.00 pg : Daging sembelihan tiba di Surau Annur
- Proses melapah dan menisang
- Proses pengagihan daging
- Makan tengahari
- 12.30 tgh : Bersurai

KELOLAAN: SEKRETARIAT KEROHANIAN | HELWA KKTM SRI GADING



Sebanyak 3 ekor lembu dan seekor kambing telah disembelih di pusat penyembelihan dan daging-dagingnya telah diagihkan bagi tujuan ibadah korban dan akikah.



Selain itu, aktiviti rewang memasak turut diadakan di kalangan kakitangan staf wanita untuk menjamu kakitangan yang bergotong-royong untuk majlis ini.

LAWATAN KERJA KKTM SRI GADING KE MALAYSIAN GREEN TECHNOLOGY AND CLIMATE CHANGE CORPORATION

05 JULAI 2023



Tujuan lawatan ini dibuat adalah untuk mewujudkan kerjasama dalam bidang kejuruteraan awam dan berkongsi maklumat terkini berkenaan teknologi bangunan hijau.



Satu lawatan kerja ke Malaysian Green Technology and Climate Change Corporation telah dilaksanakan pada 5 Julai 2023. Seramai lima orang wakil KKTM Sri Gading yang terdiri daripada Tuan Pengarah KKTM Sri Gading iaitu Tuan Haji Azman bin Ali, ditemani Ketua Program DTE, Encik Mohamad Wazir Shafix bin Osman bersama pensyarah-pensyarah lain telah turut mengikuti lawatan ini.



KKTMSG GO GREEN FURTHER!!!

WEBINAR : SEMINAR & KERJAYA EKSPLO TVET@KKDW 2023



Seminar/Webinar

Sesi ini merupakan sesi yang mengupas isu berkaitan kerjaya, *success story* dan Ikon TVET dengan pelbagai topik menarik.



FB TVET MARA Live

Sesi webinar EXPO TVET@KKDW 2023 telah diadakan pada 10 Julai 2023 bermula dari pukul 3.30 hingga 4.30 petang. Sesi kali ini telah menjemput Encik Aidil Mat Shah dari DSI Bina Resources yang juga merupakan alumni KKTU Sri Gading bagi membincang topik "Membangunkan Modal Insan Pembinaan". Sesi tersebut dikendalikan oleh Pn. Noridah binti Ithnin, pensyarah KKTU Sri Gading sebagai moderator.

PROGRAM MARA CHARACTER ENRICHMENT PROGRAMME (MCEP) BAGI PELAJAR TINGKATAN 5 SEKOLAH NEGERI JOHOR

6-8 JULAI 2023 | DEWAN TEATER A



OBJEKTIF PROGRAM

- Membentuk keperibadian yang positif dan karakter yang cemerlang dalam diri pelajar dalam menguruskan cabaran masa hadapan.
- Pengenalan kepada program-program yang terdapat di KKTM Sri Gading.
- Pendedahan kepada teknologi terkini dalam pembinaan.



ANJURAN:
PEJABAT MARA NEGERI JOHOR

DENGAN KERJASAMA:
PEJABAT PENDIDIKAN DAERAH
BATU PAHAT DAN KKTM SRI
GADING

PROGRAM PEMETAAN SILIBUS BERSAMA PROGRAM MAINTENANCE UNIKL MITEC, PASIR GUDANG

Objektif program ini adalah bertujuan untuk mengadakan usahasama pemetaan silibus khususnya dalam bidang Facilities Maintenance.



Pada 10 Julai 2023, satu Program Pemetaan Silibus telah diadakan di antara pihak Kolej Kemahiran Tinggi MARA Sri Gading dan Program Facilities Maintenance UniKL MITEC Pasir Gudang. Ianya melibatkan 6 program di KKTm Sri Gading dimana ianya dapat membantu pelajar yang melanjutkan pelajaran di peringkat Ijazah.

Rombongan dari KKTm Sri Gading telah diketuai oleh Encik Khairul Anuar bin Mohd Jais selaku Timbalan Pengarah Hal Ehwal Akademik dan Ketua Program DTM Encik Fakhru Razi bin Abd Aziz, Ketua Program DTG Puan Zaharah binti Mamat, Ketua Program DTH Encik Lelasari bin Ali dan wakil setiap program lain iaitu program DTC Encik Mohd Rashwan bin Arshad, program DTF Puan Rosni binti Aziz dan program DTV Puan Suhaya binti Sukemi. Manakala pihak UniKL MITEC telah dipengerusikan oleh Haji Mohamad Shahru Effendy Kosnan selaku ketua jabatan Program Facilities Maintenance dan beberapa orang pensyarah program yang sama.

MAJLIS PERPISAHAN

PUAN HJH SURAIYAH BINTI ZAIBON DAN

ENCIK AMAL FAHMI BIN ADAM



OBJEKTIF

1. Untuk menghargai jasa-jasa atas perkhidmatan yang telah diberikan sepanjang bertugas di KKTM Sri Gading.
2. Mewujudkan ikatan silaturrahim diantara semua staf walaupun telah berpindah atau menamatkan perkhidmatan bersama MARA.

Pada 10 Julai 2023, pihak Kolej Kemahiran Tinggi MARA Sri Gading telah mengadakan satu majlis di Dewan Teater A bagi mengenang jasa 2 orang staf yang akan berpindah dan juga tamat perkhidmatan. Untuk makluman, Ustazah Hajah Suraiyah binti Zaibon selaku Ketua Jabatan Pengajian Am akan berpindah ke IKM Sik, Kedah manakala Encik Amal Fahmi bin Adam dari Unit ICT KKTM Sri Gading akan menamatkan perkhidmatan bersama MARA dan beliau akan memulakan perniagaan dalam bidang ICT di sekitar Parit Raja dan Batu Pahat. Untuk rekod, kedua-dua mereka telah berkhidmat di KKTM Sri Gading lebih 10 tahun pengalaman.



Bersama-samalah kita mendoakan kejayaan mereka untuk terus berjaya dalam bidang masing-masing di masa akan datang.

KURSUS ANGER MANAGEMENT IN ORGANIZATION

DEWAN TEATER A, KKTMSRI GADING



Tanggal 11 Julai 2023 yang lalu, bertempat di Dewan Teater A, Jabatan Teknologi Kejuruteraan Pembinaan (Geo-Struktur) DTG telah menganjurkan satu kursus iaitu *Anger Management In Organization*.

Kursus yang dikelolakan oleh Encik Mohd Sayuthi bin Mohd Said yang juga merupakan salah seorang daripada pensyarah DTG ini telah melibatkan semua warga kerja KKTMSG seramai 120 orang.

Dr. Syed Faizal Sitheek Rahman dijemput sebagai penceramah bagi kursus ini. Beliau merupakan pengasas kepada Syed Faizal Training Consultant.

OBJEKTIF

- Untuk memahami konsep dan senario pengurusan kemarahan di dalam organisasi, meningkatkan kemahiran untuk mengesan, mengawal dan mengatasi kemarahan dalam diri serta meningkatkan fokus kawalan diri dan memberi kesan positif kepada prestasi kerja.
- Mewujudkan persekitaran kerja yang lebih positif serta memantap kemahiran mengurus kemarahan.



PROGRAM SESI LIBAT URUS KESATUAN PEGAWAI-PEGAWAI MARA



"Pada 16 Julai 2023, telah diadakan pertemuan diantara pihak KPPM dengan semua ahli-ahli KPPM dari kalangan staf KKTm Sri Gading. Pada pertemuan ini, Pengerusi KPPM iaitu Tuan Haji Ahmad Fauzi bin Ahmad memberi taklimat mengenai penubuhan awal KPPM serta kebaikan/faedah pada setiap ahli yang menyertai kesatuan ini.

Dalam pada itu, beliau juga menzahirkan kesyukuran diatas penyertaan ahli dari kalangan staf KKTm Sri Gading yang semakin meningkat kerana atas kepercayaan yang diberikan. Selain itu, pengerusi juga telah memaklumkan mengenai pilihanraya KPPM tahun 2023/2024 yang akan datang dan menyeru semua ahli untuk memberi mandat kepada Ahli Jawatankuasa yang baru yang akan dilantik kelak.



OBJEKTIF

1. Menerangkan tentang faedah dan kebaikan dalam kesatuan.
2. Memberi maklumat sahih tentang KPPM.
3. Mempromosikan KPPM pada ahli-ahli yang belum menyertai kesatuan.
4. Memberi bantuan kewangan kepada mangsa-mangsa banjir yang terdiri dari ahli KPPM KKTm Sri Gading dan sumbangan Yayasan Pelajaran MARA (YPM) pada anak-anak staf MARA.

ANUGERAH PEKERJA TERBAIK BULANAN KKTM SRI GADING BAGI BULAN MEI DAN JUN 2023

DEWAN TEATER A, KKTM SRI GADING

ISNIN

17 JULAI 2023



SENARAI ANUGERAH

1. Staf Terbaik Bulanan
Akademik Bulan Mei KKTM
Sri Gading
2. Staf Terbaik Bulanan
Akademik Bulan Jun KKTM
Sri Gading
3. Staf Terbaik Bulanan
Pentadbiran Bulan Mei
KKTM Sri Gading
4. Staf Terbaik Bulanan
Pentadbiran Bulan Jun KKTM
Sri Gading

Perhimpunan staf mingguan pada 17 Julai 2023 yang lalu telah dihoskan oleh Jabatan DTC. Perhimpunan tersebut telah diisi dengan acara penyampaian Anugerah Pekerja Terbaik Bulanan Kolej Kemahiran Tinggi MARA Sri Gading. Penyampaian anugerah tersebut terdiri daripada 2 kategori iaitu Kategori Staf Akademik dan Kategori Staf Pentadbiran. Bagi penerima Anugerah Pekerja Terbaik Bulanan Kategori Staf Akademik Bulan Mei adalah Ir. Hanif bin Didi

dan anugerah bagi bulan Jun adalah Puan Zahtuliffa binti Tusimin. Manakala bagi staf pentadbiran pula, Anugerah Pekerja Terbaik Bulanan pada Bulan Mei adalah Encik Mustapa bin Abu Bakar manakala bagi Bulan Jun adalah Puan Ros Anida binti Daud. Sekalung tahniah dicapkan dan semoga memberi iltizam dan menjadi inspirasi kepada seluruh warga kerja Kolej Kemahiran Tinggi MARA Sri Gading.



PROGRAM CERAMAH 3R & “TRASH TO CASH”

Jawatankuasa Teknologi Hijau & Alam Sekitar Kolej Kemahiran Tinggi Sri Gading telah mengadakan program Ceramah 3R & “Trash to Cash” dengan kerjasama Perbadanan Pengurusan Sisa Pepejal dan Pembersihan Awam (SWCorp). Program ini telah berlangsung pada 17 Julai 2023 di Dewan Teater A dan dihadiri oleh staf Kolej Kemahiran Tinggi MARA Sri Gading.



Program ini mampu memupuk semangat 3R (Reduce, Reuse, Recycle) di kalangan staf Kolej Kemahiran Tinggi MARA Sri Gading. Program ini turut dihadiri oleh Pengarah Kolej Kemahiran Tinggi Sri Gading, Tn. Hj. Azman bin Ali. Ceramah 3R ini telah disampaikan oleh En. Molzairy bin Hamzah daripada pihak SWCorp. Selain itu, terdapat juga program ‘Trash to Cash’, di mana staf membawa barangan terpakai untuk dikitar semula. Staf yang membawa barangan kitar semula berpeluang untuk mendapat hadiah melalui cabutan bertuah dan barang kitar semula terberat. Tempat pengumpulan barang untuk dikitar semula telah diadakan di foyer bersebelahan bilik Jabatan DTG.



PENERIMA ANUGERAH INSTITUSI PENDIDIKAN MARA TERBAIK

18 Julai 2023



Anugerah telah disampaikan oleh Timbalan Perdana Menteri yang juga merupakan Menteri Kemajuan Desa dan Wilayah Datuk Seri Dr Ahmad Zahid Hamidi semasa Hari Anugerah Pendidik MARA di Kuala Lumpur.



Pada majlis itu, terdapat beberapa anugerah yang disampaikan kepada warga IPMA termasuk Anugerah IPMA Terbaik kepada 12 IPMA termasuk Kolej Kemahiran Tinggi MARA Sri Gading (KKTMSG), Anugerah Pendidik Cemerlang MARA, Anugerah Ikon Pendidik Wanita MARA dan Anugerah Tokoh Pendidik MARA.



Pengarah KKTMSG, Tn. Hj. Azman bin Ali berkata pengiktirafan anugerah tersebut adalah hasil usaha sama daripada pihak pengurusan pusat dan warga kerja KKTMSG Sri Gading yang komited dalam melaksanakan tugas masing-masing bagi mencapai kejayaan ini.

BENGKEL PENYEDIAAN DOKUMEN SELF ASSESSMENT REPORT (SAR) BAGI PROGRAM DTE DAN DTV



SOROTAN

Bengkel Penyediaan Dokumen Self Assessment Report (SAR) telah diadakan di Bilik Seminar KKTm Sri Gading selama 3 hari iaitu pada 17, 18 dan 20 Julai 2023. Penyediaan dokumen SAR telah dikendalikan oleh pensyarah-pensyarah Jabatan DTE dan Jabatan DTV bagi mendapatkan permohonan kitaran baru (ETAC) bagi program DTV dan DTE di Kolej Kemahiran Tinggi MARA Sri Gading.

Bengkel ini juga dihadiri oleh mantan Timbalan Pengarah Hal Ehwal Akademik, Kolej Kemahiran Tinggi MARA Sri Gading, En. Khairul Anuar bin Mohd Jais. Diharapkan penyediaan dokumen SAR kedua-dua jabatan (DTE dan DTV) mendapat akreditasi penuh ETAC di Kolej Kemahiran Tinggi MARA Sri Gading.

Julai 23, 2023

TAKLIMAT PENGARAH KKTM SRI GADING BERSAMA IBU BAPA PELAJAR BARU SESI JULAI - DISEMBER 2023

Dewan Teater A, KKTM Sri Gading



KKTM SRI GADING

**"Kami adalah Institusi
MARA terbaik bagi
tahun 2023"**



Pada 23 Julai 2023, bertempat di Dewan Teater A telah diadakan Taklimat Pengarah KKTM Sri Gading (Tn. Hj. Azman bin Ali) bersama ibu bapa pelajar baru. Semasa taklimat ini berlangsung, pelbagai maklumat berkaitan Kolej Kemahiran Tinggi MARA Sri Gading telah dikongsikan kepada ibubapa para pelajar baru. Semoga ibubapa yang hadir mendapat input yang berguna tentang pendidikan di KKTM Sri Gading.

TAKLIMAT PELAJAR BARU SESI JULAI - DISEMBER 2023

**BERSAMA TIMBALAN
PENGARAH KHIDMAT
PENGURUSAN & HAL EHWAL
PELAJAR DAN TIMBALAN
PENGARAH HAL EHWAL
AKADEMIK**



Taklimat pelajar baru bersama Timbalan Pengarah Khidmat Pengurusan & Hal Ehwat Pelajar (En. Shah Zulmizan bin Safar) dan Timbalan Pengarah Hal Ehwat Akademik (En. Khairul Anuar bin Mohd Jais) telah diadakan di Dewan Darul Takzim pada 23 Julai 2023 yang lalu. Semua pelajar baru di KKTMSG berpeluang untuk bertanya mengenai perkara-perkara yang berkaitan dengan KKTMSG semasa sesi taklimat itu berlangsung.

Selamat datang diucapkan. Semoga kalian semua sentiasa bersemangat dan ceria untuk meneruskan perjuangan di KKTMS Sri Gading.

***"SEMOGA HAYUNAN LANGKAH KALIAN DISINI
MENJADI PERMULAAN LAKARAN KEJAYAAN DI
MASA AKAN DATANG!"***



Industrial Talk Series

Tajuk : Career Path In The Industry

22 Julai 2023



Objektif: Memberi pengetahuan serta haluan ke dalam industri pembinaan kepada pelajar sebelum menjalani latihan industri.

Program Industrial Talk yang bertajuk “CAREER PATH IN THE INDUSTRY” telah diadakan pada 22 Julai 2023 jam 10.00 pagi di Dewan Darul Takzim, KKTM SRI GADING.

Sehubungan itu, program ini sedikit sebanyak dapat memberi pengetahuan serta haluan ke dalam industri pembinaan kepada pelajar sebelum menjalani latihan industri.

KERJA MEMBAIKI PAIP BOCOR DI ASRAMA KKTMS SRI GADING



Kerja baik pulih paip bocor di belakang asrama KKTMS Sri Gading yang menyebabkan bekalan air ke asrama dan kuarters terputus.



Pada 29 Julai 2023 (Sabtu) telah berlaku kebocoran paip di belakang asrama KKTMS Sri Gading dan telah menyebabkan bekalan air ke asrama dan kuarters terputus. Kerja-kerja baik pulih kebocoran tersebut dijalankan secara sukarela oleh staf-staf KKTMSG sendiri yang diketuai oleh Tuan Pengarah KKTMSG dan dibantu oleh beberapa orang pelajar daripada Program DTE.



Alhamdulillah, akhirnya masalah kebocoran tersebut dapat di baik pulih dan bekalan air di sekitar asrama dan kuarters KKTMSG dapat digunakan seperti sediakala. Jutaan terima kasih diucapkan kepada semua yang telah membantu dan terlibat secara langsung atau tidak langsung semasa kerja-kerja baik pulih ini berlangsung.

MAJLIS SERAH TUGAS TIMBALAN PENGARAH



TIMBALAN PENGARAH HAL EHWAL AKADEMIK

En. Khairul Anuar Mohd Jais telah menyerahkan tugas sebagai Timbalan Pengarah Hal Ehwal Akademik kepada Ts. Wan Jazlan Zuhairi bin Ghazali iaitu mantan Timbalan Pengarah Hal Ehwal Akademik IKM Kucing, Sarawak.

TIMBALAN PENGARAH KHIDMAT PENGURUSAN & HAL EHWAL PELAJAR

En. Shah Zulmizan bin Safar pula menyerahkan tugas sebagai Timbalan Pengarah Khidmat Pengurusan & Hal Ehwal Pelajar kepada Pn. Hj. Hanna Hayzalina binti Zainal (Pensyarah Matematik DG48 yang menjalankan tugas sebagai Timbalan Pengarah Khidmat Pengurusan & Hal Ehwal Pelajar).



MAJLIS PERPISAHAN EN. SHAH ZUL MIZAN BIN SAFAR & EN. KHAIRUL ANUAR BIN MOHD JAIS



Majlis Perpisahan tersebut telah diadakan untuk meraikan perpindahan kedua-dua orang Timbalan Pengarah KKTMs Sri Gading iaitu En. Shah Zulmizan bin Safar (Timbalan Pengarah Khidmat Pengurusan & Hal Ehwal Pelajar dan En. Khairul Anuar bin Mohd Jais (Timbalan Pengarah Hal Ehwal Akademik) ke tempat baru.

Jutaan terima kasih diucapkan kepada kedua-dua 'tulang belakang' KKTMs Sri Gading diatas jasa yang telah disumbangkan. Semoga kedua-dua insan hebat ini dapat meneruskan legasi kecemerlangan di tempat baru.

All the best dan Bon Voyage untuk kalian berdua daripada kami di KKTMs Sri Gading.



PROGRAM TUBE TVET

Program Tunas Usahawan Belia Bumiputra (TUBE) merupakan satu program inisiatif Kerajaan bagi menggalakkan golongan belia menceburi bidang perniagaan.

Kerajaan telah memperuntukkan sebanyak RM2 juta di bawah Program TUBE ini untuk memperkasa Pendidikan Kemahiran Teknikal dan Vokasional (TVET). Program ini telah dilaksanakan oleh Kementerian Pembangunan Usahawan dan Koperasi (KUSKOP) melalui agensinya, SME Corp. Malaysia dengan Kerjasama Majlis Amanah Rakyat (MARA).



Program ini telah berlangsung pada 31 Julai 2023 – 4 Ogos 2023 di MJII, Beranang. Melalui program ini, 2 orang graduan daripada KKTM Sri Gading telah berjaya menerima Geran Pembangunan Perniagaan bernilai RM20 ribu.



Tahniah diucapkan kepada mereka yang berjaya. Semoga kejayaan yang tercipta ini akan menjadi penyuntik semangat khususnya kepada semua pelajar di KKTM Sri Gading dan juga seluruh pelajar TVET MARA.

MAJLIS TAUTAN KASIH PROGRAM DTH SESI JULAI - DISEMBER 2023

Majlis ini merupakan acara wajib yang akan diadakan pada setiap semester yang dihadiri oleh semua warga Program DTH (Diploma in Construction Engineering Technology Highway and Transportation).

Antara agenda utama majlis ini diadakan adalah untuk menyampaikan taklimat mengenai OBE (Outcome-based Education) yang disampaikan oleh En. Mohd Farhan bin Sukaimy dan juga taklimat mengenai BEM (Board of Engineer Malaysia) yang disampaikan oleh Ts. Azrul bin Hassan.



Semasa majlis berlangsung, Presiden Pelajar DTH iaitu saudara Muhammad Aniq dijemput untuk menyampaikan ucapan sebagai wakil pelajar. Selain itu, Ts. Lelasari bin Ali selaku Ketua Program DTH juga turut menyampaikan amanat semasa majlis berlangsung.

Agenda majlis diteruskan dengan sesi ramah mesra bersama pelajar baru semester 1 (sesi Julai - Disember 2023) dan sesi penyerahan Surat Lantikan AJK Tertinggi pelajar DTH. Majlis bersurai setelah sesi fotografi selesai.



PERINCIAN PROGRAM

Tarikh : 6 Ogos 2023
Hari : Ahad
Masa : 3.00 Petang
Tempat : Dewan Teater A, KKTMSG
Kehadiran : Semua Staf dan Pelajar DTH

PROGRAM KEMBARA MAHKOTA JOHOR 2023



Program yang berlangsung pada 7 Ogos 2023 bertempat di Pusat Pertanian Parit Botak Senggarang, Batu Pahat ini telah disertai oleh 42 orang pelajar dari KKTM Sri Gading. Mereka juga telah melibatkan diri dalam setiap aktiviti yang diadakan dalam program tersebut.



Sempena Sambutan Bulan Kemerdekaan

TREASURE HUNT ANAK MERDEKA



Pelajar DTF2A telah menganjurkan program Treasure Hunt Anak Merdeka pada 17 Ogos 2023 dibawah kelolaan Unit Pengajian Malaysia. Penyertaan program ini adalah terbuka kepada semua pelajar KKTm Sri Gading dengan bertujuan memupuk semangat setia kawan serta nilai patriotism melalui aktiviti dan permainan yang telah diadakan.



JABATAN TEKNOLOGI KEJURUTERAAN PEMBINAAN (SISTEM TERMAJU) DTC SESI JUL - DIS 2023

PROGRAM PERJUMPAAN DAN APRESIASI PELAJAR



Program ini telah diadakan pada 17 Ogos 2023 bertempat di Dewan Teater A, KKTM Sri Gading. Tujuan program ini diadakan adalah bagi memberi ruang dan peluang kepada pelajar baharu semester 1 untuk bersuai kenal dengan para pensyarah dan juga pelajar kanan program DTC. Selain itu, program ini juga bertujuan untuk memberi penghargaan kepada para pelajar yang telah berjaya memperoleh kejayaan cemerlang iaitu Anugerah Dekan bagi sesi akademik Januari – Jun 2023 dimana secara tidak langsung, penghargaan ini dapat memberi inspirasi kepada semua pelajar untuk lebih berusaha dan memperoleh kejayaan pada sesi akan datang.



PERTANDINGAN MELODI KEMERDEKAAN



good
vibes



Pada 21 Ogos, 2023 bertempat di Dewan Darul Takzim, KKTm Sri Gading telah berlangsung satu Pertandingan Melodi Kemerdekaan. Pertandingan ini dianjurkan oleh pelajar dari program DTH 2A dibawah kelolaan Unit Pengajian Malaysia. Kesemua pelajar layak untuk menyertai program ini.

Program ini dijalankan bertujuan untuk memupuk semangat patriotik pelajar melalui penghayatan bait-bait lagu disamping mencungkil potensi dan kemenjadian pelajar dalam pelbagai aspek.



AWESOME

PROGRAM EXPLORASI GUNUNG BANANG



Program ini telah melibatkan seramai 33 orang pelajar Semester 1 dan 9 orang pelajar senior pada 19 Ogos 2023 dimana Gunung Banang yang terletak di dalam Daerah Batu Pahat telah menjadi destinasi pendakian. Program ini bertujuan untuk mengeratkan hubungan silaturahim diantara pelajar baharu dan pelajar senior di KKTMSG. Semangat kerjasama di kalangan pelajar berjaya disemai dan dipupuk sewaktu program ini dijalankan.





PROGRAM BICARA ILMU : LITERASI UNDANG-UNDANG SEKOLAH MENENGAH DAERAH BATU PAHAT (ANJURAN BERSAMA PPD BATU PAHAT, KKTm SRI GADING)

Program ini telah diadakan pada 20 Ogos 2023 bertempat di Dewan Teater A, KKTm Sri Gading yang telah disampaikan oleh, En. Abdul Rahim Bin Mohidin yang merupakan Ketua Penolong Pengarah Sektor Pembangunan Murid, Bahagian Pengurusan Sekolah Madani. Objektif program ini ialah bagi memacu sinergi transformasi Batu Pahat dalam mengungguli pendidikan di negeri Johor khususnya dari segi disiplin pelajar.



PROGRAM LAWATAN KERJA (INDUSTRI)

PROGRAM DTG KE UMLAB LABORATORY AND SERVICES SDN BHD



Penyelaras Program , Pensyarah Jabatan DTG dan Pegawai Perhubungan Industri (PPI) telah membuat lawatan ke UMLAB Johor Bahru, Tmn Universiti Skudai, Johor pada 22 Ogos 2023.

Objektif program ini adalah untuk:

- Menjalinkan kerjasama dalam penyediaan tempat latihan industri (Internship) kepada para pelajar.
- Membuka ruang dan peluang pekerjaan kepada lepasan pelajar KKTm Sri Gading.
- Berkongsi kepakaran, kemahiran dan ilmu teknologi terkini dalam bidang kerjaya pensyarah dan pelajar di KKTm Sri Gading.
- Kerjasama dalam bidang yang lain untuk memantapkan lagi perkembangan pensyarah dan pelajar seterusnya untuk KKTm Sri Gading.



DUA PUTAR RODA...

RIDE TO SUNGAI LURUS

Destinasi dituju Sungai Lurus, Batu Pahat.

23 Ogos 2023, 12 orang kakitangan lelaki dari KKTM Sri Gading telah mengikuti aktiviti kayuhan basikal bermula dari KKTM Sri Gading sehingga ke Sungai Lurus, Batu Pahat dengan jarak perjalanan 49 kilometer. Tujuan aktiviti ini dilaksanakan adalah sebagai latihan persediaan sebelum menyertai Sukan Kakitangan Teknikal BKT, KKTM, MJII dan IKM Semalaysia ke-10 (SUKAT X) yang bakal diadakan di KKTM Kuantan. Aktiviti berbasikal ini juga dapat menjana kecergasan dan kecerdasan tubuh badan selain mengamalkan budaya dan aktiviti sihat di kalangan kakitangan KKTMSG.



PROGRAM SARINGAN KESIHATAN FIZIKAL

WARGA KERJA KKTMS SRI GADING



Kesehatan

merupakan satu faktor yang sangat penting dalam melahirkan warga kerja yang sihat dan sejahtera. Warga kerja yang sihat merupakan aset yang berharga dan mampu mewujudkan masyarakat yang cerdas dan cergas terutama dalam melaksanakan kerja dan tugas hakiki di pejabat.

Sehubungan itu, Jawatankuasa Keselamatan dan Kesihatan Pekerja KKTMSG telah mengadakan Program Saringan Kesihatan Fizikal Warga Kerja KKTMS Sri Gading pada 21 Ogos 2023.



Tujuan program ini diadakan adalah untuk memastikan warga kerja sentiasa peka tentang kesihatan diri dan mengamalkan gaya hidup sihat. Pelaksanaan program ini juga adalah untuk memudahkan warga kerja KKTMS Sri Gading melaksanakan pengisytiharan kesihatan di dalam sistem HRMIS.

Semoga dengan program yang dilaksanakan ini dapat memberikan kesedaran kepada warga kerja KKTMS Sri Gading betapa pentingnya kesihatan yang berkualiti bagi memastikan kesejahteraan hidup terpelihara.





PROGRAM CERAMAH KESIHATAN TEKanan DARAH TINGGI



Pada 21 Ogos 2023, Jawatankuasa Keselamatan dan Kesihatan Pekerja dan Jabatan DTV telah menjemput National Kidney Foundation untuk menyampaikan ceramah kesihatan berkenaan Tekanan Darah Tinggi. Ceramah ini telah disampaikan oleh Cik Nurhidayati Md Nizam yang merupakan Eksekutif Pendidikan Awam.



Ceramah kesihatan ini telah memberi penekanan kepada penyakit tekanan darah tinggi (hypertension) yang merupakan antara pembunuh senyap yang boleh mengakibatkan pelbagai komplikasi dan penyakit berbahaya sekiranya tidak di tangani dengan segera. Setiap warga Kerja KKTm Sri Gading perlu untuk menjaga kesihatan, menjalani gaya hidup sihat dan mengubah pola pemakanan bagi mengelakkan dari penyakit darah tinggi.

Classification*	Systolic (mmHg)	Diastolic (mmHg)	Prevalence in Malaysia*
Optimal	<120	and <80	30.7
Normal	120-129	and/or 80-84	25.3
At Risk	130-139	and/or 85-89	18.6
Hypertension			
Stage 1 (Mild)	140-159	and/or 90-99	17.3
Stage 2 (Moderate)	160-179	and/or 100-109	5.7
Stage 3 (Severe)	≥180	and/or ≥110	2.4
Isolated Systolic Hypertension	≥140	and <90	11.2

Sumber: Clinical Practice Guidelines, Management of Hypertension (2nd Edition), 2018



Cik Nurhidayati turut menyatakan bahawa pemeriksaan kesihatan secara berkala amat penting bagi mengesan penyakit ini lebih awal.

PELANCARAN SEMARAK KEMERDEKAAN YANG KE-66 PERINGKAT KKTm SRI GADING



24 OGOS 2023 - SAMBUTAN HARI KEBANGSAAN KE-66 TAHUN 2023

telah diraikan dengan tema Malaysia Madani
Tekad Perpaduan Penuhi Harapan peringkat
KKTm Sri Gading. Pelajar Subjek Pengajian
Malaysia (DUA 20062) Program DTV telah
menganjurkan pelancaran program ini di
Dewan Darul Takzim KKTm Sri Gading dengan
kehadiran warga kerja dan pelajar KKTm Sri
Gading

Pelancaran Semarak Kemerdekaan yang ke-
66 peringkat KKTm Sri Gading telah
disempurnakan oleh Tuan Hj Azman bin Ali,
Pengarah KKTm Sri Gading. Seisi dewan telah
digegarkan dengan lagu-lagu patriotik dan
kibaran bendera Malaysia dari pelajar bagi
menambahkan lagi semangat cintakan
tanah air.





24 Ogos 2023 -

Bagi menyemarakkan semangat kemerdekaan, pelajar Program Geo-Struktur telah menganjurkan Program Pertandingan Booth Tercantik Sempena Perasmian Kemerdekaan.

Program seperti ini amat diperlukan oleh semua pelajar dan warga kerja KKTMS Sri Gading bagi memupuk semangat patriotisme dalam diri. Ianya juga dapat menyemarakkan semangat cinta terhadap tanah air.

PERTANDINGAN BOOTH TERCANTIK SEMPENA PERASMIAN KEMERDEKAAN

Selain itu, pelajar juga dapat meningkatkan pengetahuan dan informasi mengenai sejarah negara Malaysia dan memupuk perasaan bangga terhadap tanah air.



Tahniah buat semua pelajar yang telah berjaya dalam pertandingan booth tercantik bertemakan kemerdekaan :-

JUARA DIMENANGI OLEH JABATAN DTG

NAIB JUARA DIMENANGI OLEH JABATAN DTV



TEMPAT KETIGA DIMENANGI OLEH JABATAN DTE

PROGRAM ONE HOUR MALAYSIA CLEAN UP



KEMENTERIAN KESIHATAN MALAYSIA (KKM)

telah mengumumkan inisiatif 'One Hour Malaysia Clean Up' bagi mengurangkan kes dan risiko kematian akibat demam denggi di negara ini. Oleh sebab itu, KKTM Sri Gading telah mengambil peluang ini dengan menganjurkan program One Hour Malaysia Clean UP di kolej pada 26 Ogos 2023.



Kerjasama dari pelajar dan juga kakitangan dalam menjayakan program ini amatlah membanggakan dimana masing-masing memainkan peranan yang penting supaya keindahan dan kebersihan kolej dapat ditingkatkan lagi. Tujuan program ini dilaksanakan adalah bagi mewujudkan persekitaran bangunan, asrama dan bengkel dalam keadaan bersih. Ini juga dapat mengelakkan pembiakan nyamuk aedes. Kekerapan melaksanakan program ini dapat mewujudkan sikap sayang terhadap kolej dan kerjasama di antara kakitangan serta pelajar.



Beberapa kawasan juga telah dibahagikan dalam menjayakan program ini seperti pembersihan parit serta kawasan tasik, pembersihan kawasan bengkel dan juga asrama.

Kakitangan pentadbiran telah ditugaskan untuk membersihkan parit di hadapan blok pentadbiran, membersihkan kawasan tasik, mencuci tingkat bawah blok pentadbiran. Selain daripada itu, mereka juga menyediakan tong kitar semula untuk pengisian minyak masak terpakai.



KAWASAN LONGKANG



Para pelajar serta felo telah melakukan kerja-kerja pembersihan di kawasan asrama. Di antara kerja yang dilakukan ialah membersihkan longkang di persekitaran asrama serta tandas.



PEMBESIHAN DI ASRAMA

HADAPAN BENGKEL BLOK A



Pensyarah DTG serta pelajar DTG telah membersihkan hadapan bengkel blok A. Mereka membersihkan bahu jalan di hadapan bengkel blok A dan membersihkan longkang yang berhampiran.



Program ini merupakan satu tanggungjawab yang perlu diambil oleh semua pihak dalam menjaga kebersihan persekitaran yang optimum bagi kesejahteraan kesihatan sejagat yang mana dengan pelaksanaan program ini, keberhasilan atau impak yang diharapkan menerusi Agenda Nasional Malaysia Sihat memperlihatkan peningkatan kadar kitar semula dan penurunan peratus tempat pembiakan nyamuk Aedes sekaligus dapat menurunkan kes dan wabak demam denggi.

MAJLIS GRADUASI ALUMNI KKTM SRI GADING DI UNIVERSITY OF NEW SOUTH WALES (UNSW), SYDNEY, AUSTRALIA.



Tahniah !

Tahniah diucapkan kepada alumni
KKTM Sri Gading yang telah
bergraduasi di UNSW Sydney,
Australia.

Nama alumni:

1. Nurfatin Afiqah binti Muhammad Haris (dari alumni DTF)
2. Nur Hanin binti Mohd Hamdan (dari alumni DTC)



AKTIVITI KELAB SENI KEBUDAYAAN KKTm SRI GADING



KELAB SENI KEBUDAYAAN

merangkumi aktiviti Silat, Zapin dan Kompang. Seramai 19 orang pelajar silat, 12 orang pelajar kompang dan 14 orang yang terlibat dengan tarian zapin.

Kelab Kebudayaan ini merupakan salah satu Sekretariat Kelab Pelajar yang dipimpin oleh pensyarah Pn Fadilah binti Mamat.

Penglibatan pelajar dalam Kelab Kebudayaan KKTm Sri Gading ini mendapat sambutan yang tinggi di kalangan pelajar. Besar harapan agar dengan penubuhan Sekretariat Kelab seumpama ini dapat mencungkil bakat dan potensi pelajar dan secara tidak langsung membentuk kemenjadian pelajar dalam pelbagai aspek.

Untuk makluman, beberapa orang pelajar silat KKTm Sri Gading sedang dalam pemilihan ke peringkat SUKMA dan IPT.

Manakala pasukan tarian Zapin telah membuat persembahan pada Malam Semarak Patriotik Peringkat Daerah Batu Pahat pada 29 & 30 Ogos 2023.

Pembimbing bagi tarian zapin ialah En Fauzan Helmi bin Ahmad dari Majlis Kebudayaan Daerah Batu Pahat. Manakala pembimbing bagi kompang ialah En Abdul Rahim bin Hj Ismail. Aktiviti silat dibimbing oleh En Omar bin Rahmat.

MERDEKA!!!

SAMBUTAN HARI KEMERDEKAAN YANG KE-66



PERINGKAT DAERAH BATU PAHAT



Majlis perarakan kemerdekaan peringkat daerah Batu Pahat telah disertai oleh 33 kontinjen. KKTM Sri Gading merupakan salah satu kontinjen yang turut serta dan telah menghantar seramai 32 orang pelajar dari program DTM semester 1 untuk menyertai perbarisan yang berlangsung di Stadium Batu Pahat bermula seawal 8 pagi. Majlis ini juga dihadiri oleh Pengarah KKTM Sri Gading, Tuan Hj.Azman bin Ali dan juga Pensyarah Pengajian Malaysia, En.Mohd Khairuddin bin Abd Majid.

ANUGERAH PEKERJA TERBAIK BULANAN

KOLEJ KEMAHIRAN TINGGI MARA SRI GADING



**PUAN NURUL ASHIKIN
BINTI ABU BAKAR**

Tujuan anugerah ini diberikan ialah untuk mengiktiraf dan menghargai kakitangan KKTM Sri Gading yang telah mencapai tahap kecemerlangan, menggalakkan persaingan sihat di kalangan warga kerja KKTM Sri Gading untuk meningkatkan prestasi kerja serta disiplin dan sebagai suntikan semangat kepada warga kerja KKTM Sri Gading untuk terus berkhidmat dengan lebih baik sekaligus membantu KKTMMSG merealisasikan penyampaian yang lebih cemerlang.

ANUGERAH PEKERJA TERBAIK BULANAN KKTM SRI GADING BAGI JULAI 2023 (28.8.2023)

KKTM Sri Gading telah mengambil inisiatif dalam memberi pengiktirafan kepada kakitangan dengan memberi Anugerah Pekerja Terbaik Bulanan. Setiap bulan, dua orang kakitangan akan dipilih untuk menerima anugerah ini.



**PUAN SITI JALEHA
BINTI KASAN**

Penerima APT bulan Julai 2023 ialah Puan Siti Jaleha binti Kasan (Pentadbiran) dan Puan Nurul Ashikin binti Abu Bakar (Akademik). Semoga anugerah ini dapat memberi dorongan kepada semua staf dalam memberikan perkhidmatan yang lebih cemerlang.



WAK CONSTRUCTION ENTERPRISE

Wak Construction Enterprise merupakan syarikat yang diusahakan oleh bekas pelajar KKT M Sri Gading iaitu saudara Muhammad Firdaus Bin Moain dari Program DTG.



Antara perkhidmatan yang ditawarkan oleh syarikat adalah :

- membina gabion
- menaik taraf longkang
- menaik taraf culvert
- menaik taraf laluan pejalan kaki
- kerja-kerja menyelenggara pokok
- kerja mencuci parit
- kerja menurap jalan

MUHAMMAD FIRDAUS BIN MOAIN



+6017-729 4897



dauz



Muhammad Firdaus



UMLAB LABORATORY & SERVICES SDN BHD



UMLAB LABORATORY SERVICES

SDN BHD menawarkan perkhidmatan ;

- ujian konkrit dan bata
- ujian asfalt & bitumen
- ujian bar keluli
- ujian geoteknikal
- ujian agregat dan pasir



UMLAB LABORATORY & SERVICES SDN BHD merupakan syarikat yang bertapak di Skudai, Johor. Syarikat ini dimiliki oleh anak muda saudara Raimi Bin Mohd Ramli bekas pelajar KKT M Sri Gading dari Program DTG.



Syarikat ini juga menjadi rakan kongsi strategik dengan Universiti Teknologi Malaysia dan Universiti Tun Hussein Onn Malaysia.



TC RAIMI BIN MOHD RAMLI



No. 64, Jalan Perdagangan 4,
Taman Universiti, 81300 Skudai,
Johor Darul Takzim.



07-5624803



019-2101626



www.umlabor.com.my




info@umlabor.com.my

SY4 ENTERPRISE



SY4 Enterprise merupakan syarikat yang mempunyai ladang ternakan lembu. Ladang ternakan ini di miliki oleh saudara Muhammad Syahmi Bin Sumari, alumni KKTM Sri Gading dari Program DTG. Ternakan yang hanya bermula dari 10 ekor lembu dan kini telah melebihi 20 ekor untuk di pasarkan.



MUHAMMAD SYAHMI BIN
SUMARI



Jalan Hailam , Parit Jelutong



+6011-1321 7784



SY4 ENTERPRISE